

15 April - Die ewige dood lê in onvergeefde sondes - Lesing 1

Die NUWE BYBEL- Hoofstuk 6 -

Die Gevolge van Onvergeefde en Onafgeloste Sondes / Verspreiding van Onrein Gedagtes en Misdrywe / Vermydning van Oorloë / Die Wapenrusting van Liefde / Ellende van Siele in die Sfere van Verlossing / Suiwering van die Aarde van alle Sondes / Hoe die MEESTER sal Beskerm

22 Almal van julle wat julleself Christene noem volgens MY HEILIGE NAAM, JAHSHUA CHRISTUS (DIE GESALFDE), DIE GEKRUISIGDE VAN GOLGOTA, ken beslis MY JAHSHUA-GEBED waarin EK DIE MEESTER onderrig gegee het gedurende MY tyd op Aarde aan MY dissipels wat MY gevra hoe hulle moet bid: **DIE MEESTER SE GEBED. (die Onse Vader gebed)**

23 Sekerlik het julle dikwels hierdie GEBED VAN DIE MEESTER gebed, maar hoe het julle dit toegepas teenoor julle naaste in julle daaglikse lewe? O, Kinders van MY Liefde, het julle dit julle riglyn gemaak om alleenlik op te tree op die wyse wat julle noem in die MEESTER SE GEBED:

En vergewe ons die verkeerde wat ons gedoen het, soos ons dié wat onreg aan ons gedoen het, vergewe!

24 Dit is met die MEESTER SE GEBED net soos met MY HEILIGE GEBOD: "**wees vir ELOHIM lief bo alles en jou naaste soos jouself!**" Net soos hierdie gebod die volle heilige omvang van die ware en volmaakte Liefde bevat, so is ook **die hele spektrum van die REGVERDIGE WET VAN SONDE EN VERSOENING vervat in hierdie enkele sin van die MEESTER se gebed:**

25 "Vergewe ons ons oortredinge soos ons ook ons broers vergewe wat oortree het jeens ons!" soos EK dit onderrig het in daardie dae en soos EK DIE MEESTER dit ook aan MY skrywer gedikteer het.

26 As julle, MY mensekinders, hierdie eenvoudige sin van die MEESTER SE GEBED net gebed en toegepas het volgens MY HEILIGE WIL, dan sou die hele mensdom binne 'n kort tyd sonder sonde gewees het!

27 Nou vra EK DIE MEESTER julle:

28 Wie onder julle bid elke oggend hierdie sin van die MEESTER SE GEBED met die volle oortuiging van sy hart, **om die nodige krag te verkry om dienooreenkomstig op te tree?** Wie vra homself elke oggend: Wat moet ek vandag doen om diegene te vergewe wat onreg gedoen het aan my? Kan ek elke aand voor MY ELOHIM EN SKEPPER staan en **met 'n rein hart bid** en vra om vergewe te word vir my onreg en swakhede, nadat ek nie meer my broeders s'n sien nie, omdat ek hulle vergewe het?

29 Besef julle dan nie, Kinders van MY Liefde, dat daar geen sin is in die gestamel van lippegebede nie, maar eerder om met 'n vurige hart te bid; dat dit min saak maak om 'n goeie kerkganger te wees, tensy 'n mens **die ware kerk in 'n mens se hart opgerig het;** en dat

dit egter 'n saak van uiterste belang vir elke mensekind is om 'n **TEMPEL VAN MY HEILIGE GEES** te word!

30 Die **onnadenkendheid** waarmee julle gebed het en DIE MEESTER SE GEBED tot dusvêr geïmplementeer het, o mensekinders, **kon geen resultaat lewer nie en 'n sonde kan nie vergewe word of verlos word nie!**

31 Met die MEESTER SE GEBED, het EK DIE MEESTER, julle 'n gebed gegee wat - indien met die ernstigste drang van julle hart gespreek - MY onmiddellik bereik, net soos die aansakel van 'n skakelaar om die kragte van 'n elektriese stroom in te span.

32 Hou in gedagte dat 'n gebed op geen manier 'n oefening van aanbidding moet wees nie, maar 'n geestelike werklikheid pogend om met MY ELOHIM DIE SKEPPER te kommunikeer! Niemand kan opgaan na MY KONINKRYK VAN VOLMAAKTHEID deur **eerbiedige seremonies** nie, maar slegs deur dae van **barmhartige en vergewende LIEFDE.**

33 Poog dus om met alle erns op te maak vir alles wat julle tot dusvêr gemis het!

34 Maak vinnig reg, Kinders van MY Liefde, wanneer en wat julle ookal het om te vergewe teenoor diegene wat julle verontreg het, en bid ook so vir alle broers, beide in die stilte van julle hart in 'n geestelike dialoog en in die werklike lewe as dit nog moontlik is, om julle te vergewe vir die verkeerde wat julle gedoen het, **selfs al is dit slegs in die gees!**

35 As julle aanvaar om dit te doen, sal julle inderdaad 'n **geestelike proses van suiwering** vir julle **eie redding en vir die ganse mensdom begin**, waardeur die situasie van hierdie Aarde dan moet verander.

16 April - Die ewige dood lê in onvergeefde sondes - Lesing 2

WOORD AAN AMORETTE - 15 APRIL 2019

(My gedagtes in hakies)

Ek droom ek is op 'n groot skip van hout. Ek sien nie die water nie, maar weet die gebeure speel af op 'n skip wat ook terselfdertyd my OUERHUIS is. (Filadelfia Ark)

Dit is 'n romantiese storie, 'n liefdesverhaal, **om te sien wie is uiteindelik die bruid.**

Die mense op die skip word uitgesuiwer soos wat mens diamantgruis verfyn sodat net die regte grootte klippies oorbly, waaruit die diamante dan **met die hand** gehaal word deur sorteerdere. Die gruis gaan deur etlike siwwe, van grof na fyn, sodat net die fynste oorbly. (As diamantgruis uit die see gepomp word, soos aan die Weskus, is daar meestal 'n klassifiseerder ("classifier") op die boot. Dit bestaan uit 3 siwwe van verskillende klasse wat spin terwyl die gruis gepomp word. Die groot klippe gaan nie deur enige van die siwwe nie, en val terug in die see. Die ander gruis gaan dan deur die siwwe. Hierdie klassifiseerder spin die heeltyd terwyl daar gruis gepomp word.)

Die mense op die skip "gaan deur die siwwe" (WOORD), totdat daar net die twee hoofkarakters oorbly - een vrou (Bruid) en een man (JAHSHUA). Ek sien die vrou, sy is jonk, kragtig met 'n pragtige bos donkerbruin gekrulde hare en het 'n **oranje rok** (vrolikheid van hart) aan van **sterk, dog eenvoudige** sagte kwaliteit katoenmateriaal. Sy lyk triomfantelik en baie braaf, heldhaftig. Ek sien nie die man (JAHSHUA) nie.

JAHSHUA dikteer:

Net die suiwerste kan in MY hoogste orde ingaan.

Die 12 mandjies (wat na die vermeerdering van die brode oorgebly het) is mense.

Mense wat MY bo alles liefhet.

Hulle is van die fynste eteriese stowwe.

Hul sielesubstansies is ongekontamineerd en vry van aardse drek.

Sonder sonde.

Lig geweeg en nie te swaar bevind nie.

Raadpleeg MY voordat jy enige iets doen sodat jy nie sondig nie. Dan kan EK jou bewaar en beskerm teen sonde.

Hoor Israel, jou MAKER is EEN.

Vrygekooptes neem MY Hand. Laat MY jou lei.

Vergeet MY nie.

Dink heeltyd aan MY.

Klein en groot sal EK jou lei deur al die gevaar. Deur

waterstrome, berge en dale.

Deur riviere sal EK jou vat.

MY Arms raak nie moeg nie.

MY Pad is gelyk.

Rus en wees vrolik. Geen haar sal van jou hoof val nie.

Bly binne MY WIL. Let op wat EK doen.

Gee jou hart vir MY. Bly staande. Gerus.

Vreesagtigheid kom nie van MY nie.

BLOED het jou gewas. Rus in MY.

Honde sal jou nie bykom nie.

2

Wyn gee ek jou. Rus in MY.

Blydschap is jou deel. **Vreugde** is jou maat.

Verstaan MY WIL. Luister mooi.

Gaan heen en sondig nie meer nie. Wees rustig en kalm.

Besoek die siekes en die armes.

Deel **vreugde** uit.

Verbly harte.

Simpatiseer.

Weef klere – **bande van liefde.**

As mense deur MY leef, kan EK hulle beskerm.

Vertrou nie vreemdelinge nie. **Kyk die kat eers goed uit die boom uit.**

Laat jou lig skyn, al lyk jy klein.

Prentjiemooi is jy MY Bruid. Sag en liefdevol.

Klein van gestalte, maar groot van hart.

Skryf hierdie vir Dirk:

Hy word geweeg en lig bevind.

Hy word nie beswaar nie.

Hy stel 'n voorbeeld.

Teen die reus oorwin hy.

Omdat hy in MY bly.

Moenie bang wees om dit vir hom te sê nie.

Gereed is jul vir die Koninkryk.

Gereed om te regeer.

Gereed vir Liefde.

Gereed vir Krag.

Gereed vir Wysheid.

Gereed vir planne teen die vyand.

Gereed vir hulp van Bo.

Verbly julle, weer sê EK, verbly julle, die HEER is naby.

AMEIN.

17 April - Die ewige dood lê in onvergeefde sondes - Lesing 3

Die NUWE BYBEL- Hoofstuk 6 -

Die Gevolge van Onvergeefde en Onafgeloste Sondes / Verspreiding van Onrein Gedagtes en Misdrywe / Vermyding van Oorloë ...

36 Moenie voorgee om nie te weet wat om te vergewe of om vergifnis voor te vra nie! Of verwag jy dat EK DIE MAJESTEIT EN MEESTER VAN ALLE SIELE die donker sondige aspekte van jou siel moet **ontbloot**?

37 As EK julle sou toelaat om 'n kykie te kry in die **oseaan van onvergeefde en onverloste sondes** waarin die sondes van die mensdom aanhoudend in groot strome invloei, sê EK DIE MEESTER vir julle: Julle sal dit nie kan verdra nie en sal dadelik op grond van die verstikkende **stank** van sondes vergaan! Tog moet EK DIE MEESTER, julle ELOHIM EN SKEPPER hierdie see van sondes duld en kyk hoe die Kinders van MY Liefde, nie net vlug van MY HEILIGE STEM EN LIEFDE nie, maar voortgaan om sonde op sonde in die oseaan te stort! **En het EK nie nou aan julle 'n sluishek met hierdie NUWE BYBEL gegee** om die stygende gety mee te stuit nie, sou die golwe van sondigheid oor julle gebreek het, en EK sê vir julle, soos die VERDERF - hierdie **selftoegediende laaste OORDEEL**, sê EK DIE MEESTER - as julle nie gereed is om daardie stroom van sondes vinnig te stuit nie!

38 Moenie 'n oomblik huiwer om MY HEILIGE ADVIES te volg nie en **sluit die vloedsluise van julle sondes** en oortredinge dadelik agter julle, deur vergifnis te vra vir alles wat julle gepleeg het wat nie kan standhou voor MY HEILIGE AANGESIG nie, of wat nie MY KONINKRYK VAN VOLMAAKTHEID kan betree nie, maar in stede vermeerder, - **sondes wat sondes verwek**, MY Teenpool se oseaan van leed!

39 Deur vergifnis te vra, herroep julle julle sondes en oortredinge, waardeur julle dit in **hul vermenigvuldiging stuit**, waarna dit **deur MY GENADE ontbind** kan word en vir altyd verlos word.

40 **Herroep daardie gedagtes** van julle wat nadelig was vir ander, of selfs 'n hele groep mense en wat nie anders kan as om in skadelikheid voort te gaan nie, aangesien dit vermenigvuldig soos die kwaadaardigste kieme en benadeel nie net by die plek en tyd van oorsprong nie, maar selfs meer so deur die proses van hul vermenigvuldiging en gevolglike groeikrag, met die risiko om seer te maak, ja, om geslagte mense te vernietig; en selfs totale volke!

41 So was dit by talle geleenthede die geval in julle geskiedenis, maar is **steeds vandag nog die geval onder julle**, tot 'n skrikwekkende mate, en sal aangaan tot julle eie verderf, tensy julle **die proses van julle sondige gedagtes** onmiddellik staak!

42 Wanneer julle naaste, of 'n aangrensende

gemeenskap, die voorwerp gemaak word van, of vervolgd word met gedagtes van verwerping, afguns of wraak uit blinde eieliefde, jaloesie of gierigheid, **sal dit die volgende hoër graad van boosheid aktiveer**, naamlik haat, dan afsku en weersin, as dit nie onttaand in al die helse vorme van twis en oorlogvoering nie.

43 Sedert die begin van die mensdom, het MY HEILIGE GEBOOIE gewaarsku teen die geestelike verspreiding van boosheid, byvoorbeeld deur middel van vervloeking, soos Ek julle dikwels vermaan het, o mense, deur hoë liggeeste wat onder julle woon.

18 April - Die ewige dood lê in onvergeefde sondes - Lesing 4

Die NUWE BYBEL- Hoofstuk 6 -

Die Wapenrusting van Liefde / Ellende van Siele in die Sfeer van Verlossing / Suiwering van die Aarde van alle Sondes / Hoe die MEESTER sal Beskerm

44 Wanneer weggeroep vanaf hierdie Aarde van beproewing en verlossing, wanneer 'n siel losgemaak word van haar menslike liggaam, dan en dan alleen kan sy eers sien watter helse oorlas haar sondige gedagtes veroorsaak het, en nog meer so haar daad! Jy sal dan besef watter geweldige skade veroorsaak is wat jy op hierdie nuwe trap van jou volwasewording sal konfronteer **waartoe jy jouself gebring het!** Jy sal in **een van die ontelbare huise** wees wat EK in JAHSHUA DIE GESALFDE na verwys het en wat byna elke aand in die sterreheem gesien kan word.

45 As julle dan nou nie daardie bitter stappe wil neem oor **byna eindelose periodes van tye** nie, maar reeds tydens hierdie aardse lewe van verlossing, klim omhoog na MY HEILIGE VADERLIKE HART IN MY KONINKRYK VAN DIE REDDING EN VOLMAAKTHEID, volg MY HEILIGE RAAD en vra dadelik vergifnis vir al julle sondes, om so die selfvoortspruitende vloed van sondigheid dadelik halt te roep!

46 Met al julle mag moet julle die deur van sonde toeslaan, indien julle in die kortste tyd moontlik die **direkte weg na MY** wil aflê, soos aangedui in hierdie NUWE BYBEL, ten einde die smal POORT VAN MY HEMELE sondeloos te bereik vir toelating.

47 Dit beteken, Kinders van MY Liefde, dat julle sonder uitsondering **almal in alle erns moet vergewe, watter verkeerdheid hy ookal teenoor jou begaan het**, maak nie saak of hy nog leef onder julle hier op aarde, en of hy reeds geroep is vanaf hierdie Aarde van verlossing nie. En die erns van kwytskelding impliseer dat 'n finale streep getrek word op enige skuld van julle kwaaddoeners, nie enigsins langer 'n **woord** daaroor gemors word nie, of toelaat dat 'n **gedagte** vorm aanneem in julle gedagtes oor wat plaasgevind het nie, om **niks te sê** van enige **wraakgierige daad** teen die skuldige nie, want alles moet in die **sand** geskryf word vir tyd en ewigheid.

48 Want sonder so 'n volle kwytskelding en vergifnis, kan julle nooit, nooit kwytgeskeld word en ook vergifnis vir julleself verkry nie, net soos sonder hierdie vergifnis julle ook nooit gered kan word van die bose nie, soos julle so dikwels gebid het aan die einde van die MEESTER SE GEBED.

49 En EK DIE MEESTER sal herhaal: Wees nie so **selfvoldaan** om te glo dat julle sonder gebrek of skuld is nie; in werklikheid het niemand julle nog vergewe, so lank as wat EK DIE MEESTER, julle nie vergewe het

nie. Julle kan nie staatmaak op 'n gevestigde gesag, soos 'n aanmatigende kerk wat beweer om by MY die reg gekry het om sondes te vergewe nie. Let daarop dat niemand op die Aarde deur MY DIE MEESTER aangewys is om namens MY, MY aardse kinders se misdade en sondes te vergewe nie! Niemand nie, sê EK DIE MEESTER, want dit kan alleen gedoen word deur MY DIE MEESTER!

50 Slegs per geleentheid waar EK eens in JAHSHUA DIE GESALFDE verskyn het, het EK sondes kwytgeskeld en vergewe, soos julle weet, en vandag vergewe en skeld Ek sondes vry waar ookal EK DIE MEESTER in MY HART SE OERGRONDPOOL VAN EWIGE LIEFDE verskyn, indien dit MY wil is.

51 Ten einde deel te hê aan so 'n geleentheid van GENADE moet jy een ding doen nadat jy **al jou broers vergewe en kwytgeskeld het uit die diepte van jou hart**, naamlik - roep MY aan in MY HART SE OERGRONDPOOL VAN EWIGE LIEFDE in die stilte van jou hart - en lê al jou foute aan MY voete, biddend tot MY in 'n mees opregte gebed vanuit jou hart om vergifnis en om die oortredinge van **jou Boek van die Lewe** uit te wis. Wanneer EK DIE MEESTER so 'n opregte poging binne 'n hart sien, kan dit gebeur dat die oomblik aanbreek wanneer die mensekind in belydenis voor MY, in MY MOEDER VAN WELEER MIRIAM (**Die TroosterGees**), die innerlike oortuiging bereik dat al sy skuld uitgewis is vir tyd en ewigheid.

19 April - Die ewige dood lê in onvergeefde sondes - Lesing 5

Die NUWE BYBEL- Hoofstuk 6 -

Die Wapenrusting van Liefde / Ellende van Siele in die Sfeer van Verlossing / Suiwering van die Aarde van alle Sondes / Hoe die MEESTER sal Beskerm

52 Geen oorlog kan ooit met wapens voorkom word nie; alleenlik deur die reiniging van alle sondige gedagtes, rakende die hele lewensfeer van hierdie ster "Aarde", kan oorlogvoering vermy word en heeltemal uitgeskakel word! Om vrede in die wêreld te probeer vestig op sterkte van 'n wapenwedloop, is absurd, aangesien die sondige gedagtes wat instrumenteel was in die maak van daardie middele van vernietiging, reeds die mees grusame geestelike oorlog voer, voordat die wapens in werking gestel word en sal vroeër of later lei tot oorlog in sy materiële werklikheid as 'n selfaanleidende Oordeel.

53 Hierdie yster waarheid lê in MY JAHSHUA-WOORD wat eens kortliks gerig is aan MY ROTS PETRUS, naamlik dat "almal wat die swaard neem, deur die swaard sal sterwe".

54 Trek die WAPENUITRUSTING VAN LIEFDE aan, omgord julle met die geestelike SWAARD VAN MY EWIGE GEREGTIGHEID EN VOLMAAKTHEID en sny daarmee alles uit wat sondig is binne en rondom jouself, beide in gedagtes en dade! Dan, en slegs dan sal EWIGE VREDE 'n werklikheid word onder julle, in beide klein en groot dinge!

55 Smeek dus alle siele, beide die wat in hierdie wêreld geïnkarnear is en die wat bestaan in die gindse geestelike koninkryk, wat geraak was deur 'n gedagteproses van julle wat nie deur suiwer Liefde geïnspireer was nie, om julle te vergewe en kwyt te skeld; vra veral om vergifnis teenoor daardie siele in die geestelike sfeer, wat julle gedurende vorige lewens verontreg het, selfs al dra julle geen kennis daarvan in hierdie inkarnasie nie, sodat julle sondes heeltemal onder beheer kom, en EK DIE MEESTER en MEESTER VAN ALLE SIELE sal julle gebed en smekende gedagtes van berou rig aan alle relevante siele, sodat julle bevry kan word van enige skuld in hierdie en vorige lewens.

Mat 11:13 Want al die profete en die Wet het tot op JeHôWganen geprofeteer.

Mat 11:14 En as julle dit wil aanneem: hy is EliJaHûW wat sou kom.

Mat 17:10 En Sy studente vra Hom en sê: Waarom sê die skrywers dan dat EliJaHûW eers moet kom?

Mat 17:11 En JaHweshua antwoord en sê vir hulle: Dit is die Waarheid, EliJaHûW kom eers en sal alles

herstel; [1 Konings 17:21]

Mat 17:12 maar Ek sê vir julle dat EliJaHûW al gekom het, en hulle het hom nie erken nie, maar aan hom alles gedoen wat hulle wou. So sal die Seun van die Adam ook deur hulle ly. [1 Konings 17]

Mat 17:13 Toe verstaan die studente dat Hy met hulle van JeHôWganen die Wasser gesprek het.

56 Sluit in julle kwytskeldingsgebede, met die volste en diepste erns, van julle berou teenoor daardie siele wie se toegang julle afgesny het vir 'n verlossende lewe op Aarde, deur opsetlik in die wet van menslike vrugbaarheid en voortplanting te breek; want dit is 'n verskriklike misstap voor die HEILIGE AANGESIG van julle SKEPPER. Die getal van hierdie klaende siele het nou oneindigheid bereik; versoek dus nie net dat hulle julle sondes sal vergewe nie, maar as dit jou betrek, vra ook vir MY SEEN vir hierdie siele in diepe berouvolle gebede, sodat hulle nog 'n kans vir 'n verlossende lewe op Aarde gegee kan word en hulle sal julle ontwikkeling op Aarde nie meer belemmer nie!

57 En plaas in julle gebede om begenadiging, wat ookal die oorsaak mag wees, die besliste onderneming, deur julle oë op te hef na MY in MY HART SE OERGRONDPOOL VAN EWIGE LIEFDE, om voortaan nie meer terug te val na julle voormalige verkeerde weë nie, en om op te hou sondig voor MY HEILIGE AANGESIG!

20 April - Die ewige dood lê in onvergeefde sondes - Lesing 6

Gesprek van JaHshua met Johannes, die seun van Sagaria op 'n eensame berg

'n Dag in die huis van Josef deur Jakob Lorber

(6). Te midde van hoë berge en sittende op 'n rots, bekyk JaHshua die glorieryke konstellaties wat hulleself aanbied voor sy oë. Dit was in die nag. En aandagtig deursoek hy die verre naghemel; slegs in die laaglande was die woudbegroeide heuwels nog sigbaar. Sy oë deursoek die afstand weer en weer, om slegs dan, asof teleurgesteld, weer terug te kyk na die lug by hom. JaHshua, oorkom deur slaperigheid, veg nie daarteen nie. Dit was per slot van sake die derde nag op hierdie hoë berg. Die sterre glim nou dowwer en 'n ligte roserige skynsel op die horison, sowel as die lewendige woelinge van die voëls, kondig die begin van 'n nuwe dag aan.....

“Sal hy kom? – Sal hy die roepstem van die Gees opvolg? – vra JaHshua aan homself en biddend sê hy aan homself: “O, U Ewige Liefde, dit is U wil – (**dat Johannes sou kom**). Hy sal aan my behoort. Open wyd beide van ons harte, sodat ons ryp kan word om gebruik te kan word in U diens!”

Asof gelei deur 'n onsigbare hand, al langs die nou voetpad, kom daar 'n jong man haastig met lang treeë na JaHshua. Sy gesig rooi; sy pols en asemhaling vinnig en swaar, want hy het al die pad gehardloop sonder om te rus, oor rotse en woudpaaie, deur struik en boskasies en ruigtes, deur die nag ten einde om op die plek te wees waar JaHshua nou sit.

“Laat my hier by jou rus, my geliefde broer en laat my toe om te vra: Wat beteken hierdie alles? Vir drie dae nou voel ek hierdie magtige aantrekking wat my na jou toe trek, maar ek het in myself getwyfel, want ek weet dat jy in Nasaret by jou geliefdes was.”

“En steeds word die aanhitsing en dwingendheid hewiger en ek het die vaderhuis verlaat – waar moeder nou vol bekommernis is – en ek het gekoers na die berge. En skielik blyk dit dat hierdie dwingendheid verander 'n krag en 'n versekering in my. Dit was asof 'n onsigbare vinger my gerig het op die weg deur al die moeilike hindernisse.”

“En nou, danky JaHWeH, is ek hier. Nou het ek finaal duidelikheid: Jy het my nodig – Sê my hoekom en vir wat? Ek bid jou, vertel, my broer van my hart. Sou ons nie meer gemak en gerieflikheid by jou huis gehad het as hier in die wildernis nie, bokant ons die lug en ver benede ons – die huis. Hier is ons soos godverlate wesens, sonder voedsel en veiligheid. Sê my, wat beteken dit tog alles?”

Saggies antwoord JaHshua: “Johannes! Gee my jou hande en laat ek kyk in jou dierbare vertroulike oë! Ek weet jy is sonder listigheid en tog is ek in groot ang en treur vir jou. Laat my toe om klaar te maak wat ek

te sê het en kyk na my. Kyk intens sodat al jou bekommernisse tot rus gebring kan word en dat jy die kern van my siel kan ervaar. Dus, sien, bo in hierdie suiwer berglug, omring deur vroom wesens, is ons sonder enige druk, wat die diepte op alle harte oordra. Hier is dit maklik vir die Gees om ons te versterk en op te kikker. Hier word ons gees meer buigsaam om die verhewe voedsel en goddelike geskenke direk uit die hand van Elohim te ontvang.”

“**Ek het jou geroep en jy het gekom.** Onthou die gesprek van ons vaders. Onthou waaroor ons altyd gepraat het gedurende ons kort besoeke! Maar jy het dit vergeet. Jy het jou verstand toegelaat om jou te beïnvloed. Het jy dit nog nie gevoel nie, dat met al jou eerlike wil en ontoereikendheid, jy nog arm en rusteloos in jou binnekant gebly het?”

“Jy sien, **ons beide is geroep tot hoër dinge** as wat jy ooit kan peil. Laat ek met jou deel hoe baie ek geveg en geworstel het; maar dit kan nie in woorde omgesit word nie. Maar bedink: Vir my was dit altyd 'n heilige eerlikheid as dit kom by hierdie groot, magtige doelwit. Dink jy dat Elohim, die Ewiglewende, moes vir jou kom ten einde aan jou Sy gawes en geskenke van barmhartigheid te gee? Broer, as dit is wat jy dink, is jy total verkeerd!” (Slegs deur enorme, innerlike stryd en met 'n heilige opregtheid kan die mens hierdie goddelike dinge van barmhartigheid verkry!).

“As gevolg van Sy eindelose geseëndheid terwyl Hy ons lei en as gevolg van Sy barmhartigheid, **is ons beide geroep om verlore lewens na Hom toe terug te bring!** En alles wat verlore was, lê nou in ons harte, as 'n eindelose skat wat van Elohim is.”

“Slegs die geringste aantrekking, selfs die kleinste **liefde vir dit wat tydelik is**, laat nie hierdie Wese, so vol van barmhartigheid, toe om in ons na vore te kom nie. Ek het dit herken, ons taak, ek het die rykdom van krag en volheid in ons gees onder oë gesien en ek groei sterker en meer en meer in my wil om van alles wat aards is, weg te draai.”

“Daarom, **dierbare Johannes, kyk ook in jou hart.** Daar lê jou wieg, die rusplek van die ewige Liefde van Elohim. Die nuwe lewe wat ontstaan uit hierdie liefde ontwikkel slegs daar waar hierdie liefde is. Alles wat jy sien is van binne af siek, dodelik siek. Jy kan die hele wêreld oor en oor deursoek, geen helper kan gevind word nie. Die helper lewe ten eerste in ons as 'n onbeduidende klein atoompie wat gevoed wil word deur ons liefde vir hierdie “Nuwe Lewe van Elohim”. En nou sal jy vra: Waarmee sal ek hierdie lewe van Elohim in my voed? Daar is nie 'n maklike antwoord nie. Dit is dit: Jy voed hom met **elke aardse begeerte wat jy opoffer**; daarmee verminder jy jou ‘eie ek’ se sielewese. Dan sal al die lastige kragte gereed wees

om vir jou tot diens te wees.”

“Ek benodig jou as my aankondiger, as die een wat die mense moet wakkermaak vir dit wat moet kom: As `n goddelike lewe – in my – aan alle mense!”

“Jy ken die tempel en sy skynheilige handeling. Jy ken die Skrifte en al die profesieë. Jy het nou al vir `n tydjie geweet dat die Ewige Liefde Homself wil beliggaam in my op hierdie aarde en in hierdie tyd. **En nog steeds hou jy vas aan die rigiede star wet.** Kyk hier, as Elohim jou die kragte gegee het om die sonde te ontbind, moet jy nie dink dat alle mense so gemaak is nie. Jy het alreeds deur al die dieptes van jou siel gelewe. En kan jy die metode om siekes te genees, jou eie noem? Nee – dit sal `n dwaling wees. Vir al jou geloof, handeling en werkinge kan jy slegs vertrou op dit wat jy in die tempel en die skole geleer het.”

“Iemand hoef nie `n skerp gees te wees ten einde al die verkeerde en dwalinge te oordeel nie en iemand hoef nie belig te wees om al die boosheid te herken nie.

“Alhoewel, die tyd is nou hier dat alles wat goddelik in die mens is, geopenbaar sal word. **Dit kan slegs aan ons openbaar word**, alhoewel, in die lig van ons ware, ernstige, heilige diens aan Elohim en deur alles op te offer wat aards in onself is, **moet dit met alle mense gebeur.**”

“Daarom, kyk rondom jou: strale van lig is rondom ons ten einde ons te help om in die lig te herken dat alles wat wil ewe deurdrenk moet word deur lig. Want dit is lig wat alle groei aanhelp! Dit is lig wat die duisternis van die siel oopmaak! En dit is lig wat ons toelaat om alles wat verderflik in ons is te herken!”

(Johannes) “Liefste broeder in Elohim, jou liefde is groot, dit voel ek nou in hierdie uur; maar ek verstaan jou nog nie. Inderdaad onthou ek nog jou vorige toesprake betreffende ons toekoms en ek onthou dat jy my einde as onbevredigend beskryf het, toe jy gespreek het as: `n offer van jou selfliefde (ego).

Maar ek word nog steeds verward as ek dink aan jou al te ernstige woorde, alhoewel gespreek met groot liefde. En so is dit vandag, weereens in hierdie oggenduur.

Nou net dring dit weer tot my bewustheid deur waar ons is en die geheimsinnige manier waarmee ek hierheen getrek is. O, JaHshua, hierdie eensame plek maak dat ek angstig voel. Laat ons omdraai! Op die pad terug kan ons bespreek wat dit is wat jy wil hê ek vir jou moet doen. Kom, laat ons hier wegkom en moet my nie tevergeefs laat smee nie.”

(JaHshua) “O, Johannes, as jy my nie vandag wil verstaan nie, sal jy `n ondersteuning, `n hoop in my verpletter. Want sien, vir drie dae sit ek hier in afwagting en nou dat jy hier is, neem jy nie deel aan my groot worsteling nie? Jy voel my liefde en vir jou hart voel dit soos balsem; maar nou toon jy dat jy nog

nie weet van ware liefde in jouself nie. **Liefde is slegs ‘liefde’ wanneer daar geen aarseling is nie.** Maar die **Gids** van hierdie ware liefde moet **Elohim se Lig en Wysheid** wees! Dit is hoekom baie dinge, ja, **alles wat jou eie is, in jou moet sterf!**”

“En gaan so voort; kry dit alles van jou bors af, maar onthou dat in alle gebeurlikhede was daar altyd twee betrokke. Toe Adam op die Aarde geplaas was as die meester, as verteenwoordiger van Elohim, was alles wat geskep was met hom in `n soort van verhouding, soos `n man tot sy vrou. Adam, wat funksioneer het as die goddelike verwekker en die skepping as die kinderbaarder. **Maar deur sy eie toedoen**, deur die liefde vir homself was al hierdie wonderlike inherente glorie in hom vernietig.”

“Toe was Adam, - as die een wat genereer – veronderstel om homself ‘binne-in die vrou’ te bevind, dit is hoekom Elohim in Eva alles wat skepping is, verenig het. Adam het egter geval, vrou en al!”

“Tot op vandag versorg die ewige Elohim al die gevallenes. **Nou in sy finaliteit, in die twee van ons** is alle toestande volbring waar ons, **soos Adam en Eva**, so suiwer as wat hulle in die begin was, invloedryk kan wees, eerstens in die seëning, in `n stimulerende manier tot die vermorste (verlore) innerlike lewe van die mensdom en dan – asof op eie rekening – tot al die geskrapenes!”

“Hier is ons nou – voor die twee van ons lê daar groot take. Ek ken myne en ek het joune aan jou getoon. En dit hang nou net van ons sukses af.”

“Ek is nou alreeds aan die einde van my groot geveg met myself! Ek wil jou ondersteun en aan jou toon die meer as glorieryke, groot taak wat op jou wag. Want broeder Johannes, as jy faal in hierdie kolossale, ontsaglik gewelddadige tyd, sal daar `n nog groter toets oor jou kom, een wat nog meer kolossaal sal wees!”

“Dus sien, as jy ‘my’ het sodat jy kan sê: **Ek en jy – ons is een?** Dan beteken ek (as die liefde) alles vir jou. En jy (as die een wat hierdie liefde verstaan) sal die eerste een wees wat vrugte sal dra as ewige wese.

Die NUWE BYBEL- Hoofstuk 6 -

Die Wapenrusting van Liefde / Ellende van Siele in die Sfeer van Verlossing / Suiwering van die Aarde van alle Sondes / Hoe die MEESTER sal Beskerm

58 Hou altyd in gedagte wat sondig is. EK DIE MEESTER sal dit vervolgens in alle duidelikheid aan julle verduidelik:

59 MY EWIGE VOLMAAKTHEID - as ELOHIM, SKEPPER EN MEESTER, sowel as julle HEMELSE VADER - is 'n **geestelike organisme met 'n eindelose en vir ewig aktiewe lewenskrag**. Julle, o mense, as KINDERS volgens MY Beeld is in hierdie GEESTELIKE ORGANISME VAN MY, eindelose en ewiglik veranderende skeppende organismes, onlosmaaklik gewortel in MY EWIGE VOLMAAKTHEID, wat aanhoudend EWIGE LEWE daaruit trek, en steeds ontwikkel na hoër lewe op sterkte van MY EWIGE LIEFDE EN GENADE.

60 Daarom behoort dit inderdaad nie moeilik te wees om te sien dat die **geringste afwyking** van MY VOLMAAKTHEID, waardeur jy vir ewig lewe en handel, 'n skending is van dieselfde volmaaktheid wat jou in stand hou; dus is 'n skending van hierdie volmaaktheid ook **teenproduktief vir jouself**, aangesien jy 'n integrerende deel van hierdie volmaaktheid is. Dit is waarom 'n oortreding nie net MY VOLMAAKTHEID in gevaar stel nie, **maar ook vir jouself skadelik is**.

61 So lank as wat 'n misdryf uit pure **onkunde** gepleeg word, is dit in MY oë niks meer as **dwaasheid** nie. Maar wanneer dit **doelbewus** gepleeg word en met die oog om MY GEBOOIE, wat VOLMAAKTHEID waarborg, te ontduik, is so 'n **misdryf 'n SONDE!**

62 Nou kan julle duidelik sien wat 'n SONDE is! Hou tog die gevolg van sonde in gedagte, wat julle begin as julle sondig! **Dit is die teenoorgestelde van EWIGE LEWE, naamlik DOOD!**

63 Want die EWIGE LEWE is slegs moontlik deur VOLMAAKTHEID uit MY! EWIGHEID EN VOLMAAKTHEID is EEN en vorm saam met EINDELOOSHEID 'n HEILIGE DRIE-EENHEID!

64 SONDE, wat egter afwyk van volmaaktheid, kan deur die verontagsaming van MY HEILIGE GEBOOIE, niks meer doen nie as om **verganklikheid te produseer wat dood uitbroei nie!**

65 Dit is die rede waarom MY apostel Paulus baie korrek geleer het dat die loon van sonde die dood is!

66 As julle mensekinders dus nie wil insien dat die wegdoen van sondigheid die voorvereiste vir die vorming van 'n beter wêreld is nie, is julle onnosel en hierdie aardse lewe van julle sal definitief verbeur word deur julle selftoegediende OORDEEL, wat julle dood sal meebring. Julle is dit alleen aan MY GENADE verskuldig dat julle dood nie julle uitwissing is nie, maar slegs **julle inkarnasie in 'n ander sfeer van volwasewording**, wat deur MY Genade 'n sfeer van **rehabitasie** is vir elke stompsinnige en onwillige menslike siel, totdat so 'n tyd weer deur MY GENADE aanbreek vir die opening van 'n nuwe weg tot 'n nuwe lewe van verlossing.

Die NUWE BYBEL- Hoofstuk 6 -

Die Wapenrusting van Liefde / Ellende van Siele in die Sfeer van Verlossing / Suiwering van die Aarde van alle Sondes / Hoe die MEESTER sal Beskerm

67 Kinders van MY Liefde, vra julleself dus baie ernstig af of dit beter is om te val vir die **Teenpoolwêreld van dood**, of om 'n besluit te maak om saam met MY te kom en EWIGE LEWE te hê.

68 Gooi weg julle illusies, sê EK DIE MEESTER: Julle sal nie 'n beter lewens- en wêreldomstandighede op enige ander wyse kry as deur die nakoming van MY GEBOOIE VAN LIEFDE nie! Julle sal tevergeefs streef om die wêreld te verander sonder om sonde te oorkom! Hou op om berge papier te druk met julle illusies, sê EK DIE MEESTER aan julle wêreldlinge, as julle nie bereid is om op te staan uit die Modderpoel van Wanhoop nie! Julle berge papier van voortdurende selfvernietigende illusies raak alreeds die kruin van die Himalaya - geestelik gesproke - en steeds het die mees voor die hand liggende gedagte julle nog nie bereik nie, **naamlik die behoefte om eers julleself te verander en om op te hou sondig!**

69 Is die hele geskiedenis van die mensdom nie 'n voldoende duidelike bewys dat sonder MY DIE SKEPPER geen merkbare resultate bereik kan word nie? Het elke groot beskawingstydperk nie in puin geëindig nie?

70 Wil julle nou regtig die grootste ondergang bring oor die menslike ras deur nie die stygende gety van sondigheid te stuit nie? EK DIE MEESTER spreek dat daar 'n nog groter vloed as in die tyd van Noag sal wees, as julle mensekinders van hierdie tyd nie luister na MY HEILIGE NUWE BYBEL nie en nie onmiddellik begin om julle te bekeer van julle eie sondes nie en om almal te vergewe wat teen julle gesondig het, beide hier op Aarde en in die ander wêreld, en in die proses moet jy nie omgee vir die splinter in jou broer se oog nie, maar wel vir die veel groter balk van skuld in jou eie siel!

71 Want niemand is onskuldig sodat hy kan eis om nooit te gesondig het teen MY ewige allesomvattende SFEER VAN VOLMAAKTHEID nie!

72 Of is dit nie 'n sonde om skuins te kyk na jou naaste, wat net soos jy, 'n kind van MY LIEFDE is, om hom te vermy, of selfs om hom skade aan te doen met bose gedagtes en daede, slegs omrede hy in sommige opsigte nie jou mening deel nie?

73 Is dit nie 'n sonde om MY RYKDOMME te gryp - wat EK DIE SKEPPER op hierdie Aarde geplaas het tot julle vrye beskikking - en om daarvoor in kompetisie met julle bure, in die geheim of openlik, te spekuleer

sonder enige berou oor die winsbejagtheid nie, maar om jou hande saam te vryf in tevredenheid oor "'n goeie transaksie?" Het EK in JAHSHUA DIE GESALFDE nie hierdie winsjagters uit die tempel verdryf wat hoogs tevrede gesondig het teenoor hulle naaste, wat daarop dui dat sulke mense 'n gruwel voor MY HEILIGE AANGESIG is nie?

74 En is dit nie 'n sonde om 'n besigheid te maak van huwelike nie en om 'n eenheid van man en vrou te begunstig, te eis of te verbind om 'n voordeel te verkry wat andersins onverkrygbaar was nie? Of om selfs 'n blote skegbeeld van die huwelik te maak in 'n gewetenlose gedobbel na mag en invloed?

75 Of is dit nie 'n sonde om die lewe van MY kinders van LIEFDE deur willekeurige beperkings en wette aan bande te lê nie?

76 En is dit nie 'n sonde om julle naaste sleg te behandel met enige vorm van geweld nie?

77 En ten laaste, is dit nie 'n sonde om direk te peuter met die EWIGE LEWE deur in te meng met die voortplantingsproses in MY Skepping nie?

78 Het EK nodig om verder te gaan om julle vrae te vra? Dit sal nooit eindig nie, as EK DIE MEESTER alle soorte sondes van julle wou lys, veral die grootste, naamlik dié TEEN MY HEILIGE GEES!

Die NUWE BYBEL- Hoofstuk 6 -

Die Wapenrusting van Liefde / Ellende van Siele in die Sfeer van Verlossing / Suiwering van die Aarde van alle Sondes / Hoe die MEESTER sal Beskerm

79 En ook julle wat rebelleer teen die oortredings op hierdie Aarde. EK DIE MEESTER vra julle: Glo julle dat julle nie sondig wanneer julle **wapens opneem** teen al die kwaad in hierdie wêreld en boosheid met boosheid vergeld nie?

80 EK DIE MEESTER sê: Voordat enigiets onbedagsaam gedoen word, waardeur jy onder die YSTERWET VAN SONDE EN VERSOENING mag kom, gaan diep in jou hart en vra jouself af of as jy met Liefde sou optree, jy nie net meer sal bereik nie, maar **alles** - sekerlik nie oornag nie, maar volgens die regte maatstaf van ware LIEFDE, **nadat alles in harmonie gebring is met MY, JULLE HEMELSE VADER!**

81 EK DIE MEESTER raai julle almal nou aan, MY mensekinders, wie die **NUWE BYBEL** in julle hande opgeneem het, maar nog nie die besluit kan maak om MY in alles te volg nie, wat in die meeste gevalle 'n volkome draai in julle lewensrigting sou beteken:

82 **Laat vrede oor jou siel kom!** Probeer om in die stilte van jou hart in te gaan en dink na oor jou reeds afgelegde lewe! Roep dan na MY, JOU ELOHIM EN VADER VAN HEMELE EN AARDE, veral as jy dit nog nooit voorheen gedoen het nie, en vra MY in jou hulpeloosheid wat jy moet doen en hoe om daarmee om te gaan, en dan sal EK Die MEESTER jou die pad op een of ander manier toon; want EK weet die beste wat in elke geval toepaslik is, want EK alleen kan deur die ware toestand van jou siel sien en peil wat jou die beste sal pas vir jou verlossing!

83 Probeer dus begin om te vergewe wat jy ookal kan, en smek MY en al jou naastes om jou te vergewe vir wat jy op die oomblik as 'n sonde beskou, gemeet volgens jou standaard op hierdie oomblik!

84 Hou in gedagte dat die oseaan van sondigheid nie meer sal styg om jou te oorweldig nie! Maar selfs dan het jy nog nie alles moontlik gedoen nie! Want so lank as wat die oseaan van die sondigheid op hierdie Aarde bly, kan dit weer begin woed en julle mensdom sal nooit vrede hê nie.


85 Die Aarde moet dus van alle sondes gereinig word en die OSEAAN VAN LIEFDE moet hierdie Aarde vul as hierdie wêreld wil verbeter. Want slegs die OSEAAN VAN LIEFDE sal alle sondes ontbind. As egter, weens 'n gebrek aan insig, nuwe sondes voortgaan om in daardie oseaan van sondigheid in te vloei, en as EK DIE MEESTER nie ingryp nie, sal die stygende gety alles op hierdie Aarde oorstroom en veroorsaak dat die Aarde

bars - soos daardie ster in die HEELAL VAN MY SKEPPING wat verwoes is deur die see van sondigheid!

86 Daarom verdien hierdie hoofstuk van MY NUWE BYBEL eerste prioriteit, desondanks die buitengewone OPENBARINGS VAN MY GENADE in ander hoofstukke, op grond van die noodsaaklikheid om die stygende gety van sondes te stuit, om sodoende nog 'n Vloed te voorkom!

87 Dit beteken om in die praktyk van julle daaglikse lewe te begin met: Sondig nie meer nie, bid vir die kwytstelling van sondes gepleeg, en vergewe sonder beletsel of hindernis wie julle ookal benadeel het, wie dit ookal en wat dit ookal mag wees!

88 EK DIE MEESTER sal en wil nie toelaat dat die ster van verlossing "Aarde" vernietig word deur die sondes van die mensdom nie. MY HEILIGE BLOED is op Golgota gestort vir hierdie doel, waardeur Ek julle verlos het van die Oersonde van die Val van MY Koninkryk, sodat julle weer kan terugkeer huistoe na MY in MY HEMELE.



Die NUWE BYBEL- Hoofstuk 6 -

Die Wapenrusting van Liefde / Ellende van Siele in die Sfere van Verlossing / Suiwering van die Aarde van alle Sondes / Hoe die MEESTER sal Beskerm

89 Uiteindelik, ondanks al die HEILIGE VERMANINGS VAN MY LIEFDE in hierdie NUWE BYBEL, **sal slegs 'n klein fraksie van die mensdom verander en MY volg; maar met hierdie klein fraksie sal EK DIE MEESTER die NUWE JERUSALEM op AARDE oprig!**

90 Ek sal begin om **hierdie Aarde te skud** om die volkome blinde en verstokte siele wakker te maak met die feit dat EK DIE ALLERHOOGSTE, die Alfa en Omega is!

91 Wanneer hierdie NUWE BYBEL oor die hele wêreld sal versprei het en die harte van die mense nog nie na MY toe gedraai het nie, sal EK DIE MEESTER toelaat dat hulle gevee word deur hulle selfgemaakte oseaan van sondigheid na die plekke van rehabilitasie, wat gereed is om hulle vir oneindige tye te huisves.

92 Maar al dié wat intussen hulle gedagtes na MY gewend het en bereid is om EWEBEELDE VAN MY EWIGE LIEFDE te word, sal beskerm word deur DIE MEESTER en **gelei word na DIE HEILIGE GROND VAN MY NUWE JERUSALEM op Aarde.**

93 Laat dié van julle verbly wees, wat nou besluit het om MY HEILIGE WEË te volg, want in julle het EK DIE MEESTER nou die **boustene vir die NUWE JERUSALEM** uitgegrawe, en MY GENADE kan vir hierdie hele mensdom werk in soverre as wat EK saam met julle 'n eerste groep van die mensdom sal lei deur die NUWE JERUSALEM tot binne-in MY HEMELE, en later sal ook die **blindes** opgewek word, die **verstoktes**, en **moedswilliges** van hulle selfgegraafde grafte van sondigheid wat die Oordeel is, na die ware **nuwe AARDE VAN VERLOSSING** in die NUWE JERUSALEM, om hulle dus 'n geleentheid van GENADE gee, naamlik om nog in staat te wees om te volg na MY HEMELE, waardeur die HEILIGE WAARHEID vervul sal wees dat, EK IS

DIE ELOHIM VAN EWIGE LIEFDE

EN GENADE

en dat EK IN

MY HART SE OERGRONDPOOL

VAN EWIGE LIEFDE

nie net die slang se kop sal vermorsel nie, maar ook ONS EERSGESKAPE GEES SATANA huis toe sal lei na MY KONINKRYK VAN EWIGE VOLMAAKTHEID, waarvolgens nie net hierdie Aarde haar HEILIGE PLAN EN DOELWIT vervul het as 'n verlossingster vir die hele gevalle wêreld nie, maar selfs materie as sulks, wat dan vir tyd en ewigheid ontbind kan word; hierdie sal die einde

van alle tye wees deur

DIE VERLOSSINGSWERK

VAN EWIGE LIEFDE

94 Hoe dit ookal sy, EK moet julle waarsku, MY bereidwillige kinders van hierdie tyd, om nie hierdie as 'n wonderlike profetiese verhaal te lees nie; want EK DIE MEESTER moet beklemtoon dat dit julle grootste en ernstigste verantwoordelijkheid in die huidige tyd is om as ware modelle en bakens te dien, **as ware dissipels van MY EWIGE LIEFDE!**

95 In alle dinge moet julle die weg lei as MY WARE KINDERS VAN LIEFDE. **Julle moet 'n voorbeeld stel in bid en vergewe**, en dus sal MY JAHSHUA-WOORD van die ou tyd vervul word deur julle, **naamlik dat alles wat julle, julle broers hier op Aarde vergewe, ook in MY Hemele van krag sal wees**, en die oorwinnaar van sonde sal die "Kroon van die Lewe " verkry, en ook sal hy in alle volmaaktheid wees:

LIEFDE VAN ALLE LIEFDE

vir ewig een met

MY

ELOHIM DIE MEESTER

IN

MY HART SE OERGRONDPOOL

VAN EWIGE LIEFDE

26 April - Die ewige dood lê in onvergeefde sondes - Lesing 11

Die NUWE BYBEL- Hoofstuk 6 -

Hoe die MEESTER sal Beskerm

Die Gebed van Berou en Vergifnis van Sondes

96 MY ELOHIM EN MEESTER

U, MY HEMELSE VADER

JAHSHUA.

U HEILIGE WOORD

hou U hemelse spieël

op my sondige aangesig

om my te laat besef wie ek is:

'n baie groot sondaar voor

U HEILIGE AANGESIG,

'n sondaar teen

U ALLEEN HEILIGE WIL!

97 Ek kan my sondes in

U hemelse spieël sien

wat my beskuldig voor

U HEILIGE AANGESIG.

Nie alleen het U

U bloed laat vloei vir my

op die Kruis van Golgota nie,

maar weer dra U vir my

die Kruis van hierdie wêreld

in

U ONEINDIGE LIEFDE!

98 Ek val dus neer voor U

MY VADER

IN

U HART SE OERGRONDPOOL

VAN EWIGE LIEFDE

in die diepste nederigheid en berou

van my hart, smekend tot U

om my al my sondes op Aarde te vergewe!

99 Want ek wil LIEFDE wees,

niks anders nie as die brandendste, genadigste

JAHSHUA-MIRIAM (*die Troostergees*) -LIEFDE

teenoor elke siel sonder uitsondering

om so deur middel van

U GENADE

alreeds hier op Aarde

'N WARE KIND VAN U HEMELE TE WORD.

100 Ek vergewe dus

al my broers

wat teen my gesondig het,

wis hulle skuld uit

vir tyd en ewigheid,

net soos wat ek smek dat almal wat te na gekom is,

my vergewe

vir al die onreg wat ek aan hulle gedoen het.

101 Wees my genadig,

MY VADER JAHSHUA,

en bevry my

van my sondes en swakhede,

ek sal U volg

IN

U MOEDER VAN WELEER MIRIAM, (*die Troostergees*)

MY MOEDER VAN VERLOSSING

in absolute gehoorsaamheid

vir alle ewigheid,

sodat ek kan kyk

in 'n suiwer spieël van myself!

102 MY ewige dankbaarheid sal opgaan na U

O MEESTER;

U ALLEEN HEILIGE WIL

word in my vervul vir ewig!

AMEN

103 Elkeen kan sy eie probleme by hierdie Gebed van

Berou voeg sodat al die sondige uithoeke van sy hart

ten volle oopgemaak kan word vir

MY DIE MEESTER

IN

MY HART SE OERGRONDPOOL

VAN EWIGE LIEFDE

en dat alles, tot die geringste en die kleinste rimpel

van sy siel, gesuiwer en verlos kan word.